

ՀՈՎՀԱՆՆԵՍ ԶԱՏԻԿՅԱՆ

ԿԱՐԻՆԻ ՆԱՀԱՆԳԻ ԲԱՔԵՐԴԻ ԳԱՎԱՌԱԿԻ

ՍՐԲԱՎԱՅՐԵՐԸ

(19-րդ դարի երկրորդ կես)

Մորոխ գետի վերին հոսանքում, մրա ակունքների մոտ փոխած հովիտներում և ալպյան լեռնալանջերում, հյուսիսում՝ խաղտյաց լեռներ, արևմուտքում՝ Տրապիզոնի մահանգ, հարավում՝ Կարինի գավառ, արևելքում՝ Սպերի գավառակ հասնող սահմանների մեջ տեղավորված է Կարինի (Էրզրումի) մահանգի Բաքերդի գավառակը:

Գավառակի մասին Կարինի Ս. Աստվածածին վանքի վանահայր Հակոբ Կարնեցին գրում էր. «Ելան է ձկունք անթիւ եւ զանազան... Եւ է երկիրս այս հացալից, ջրավետ, խոտալիր, ոչխարօք եւ անասնօք ի լի, իւղ եւ մեղր սպիտակ եւ անթիւ, որ հիանալի է տեսողացն. եւ ունի սինժօն մինչեւ ի Հոռոմոցն եւ Սեւ ծովու յափն եւ Ըսպիրու»¹:

Արտաշեսյան հարստության ժամանակ Բաքերդի գավառակը գտնվում էր Մեծ Հայքի կազմում: Արշակունիների կառավարման տարիներին գավառակը պատկանում էր Բագրատունիների մախարարական տանը: Հայաստանի առաջին բաժանումից հետո (387 թ.), գավառակն ընկավ Բյուզանդական կայսրության տիրապետության տակ: 11-րդ դարում գավառակը եմթարկվեց սելջուկների ավերիչ արշավանքներին: 13-14-րդ դարերում այստեղ իրենց իշխանությունը հաստատեցին Իկոնիայի սուլթանությունը, ապա ակ-կոյունլուները: 17-րդ դարում, երբ ավարտվեցին թուրք-պարսկական պատերազմները, 1639 թ. Դիարբեքիրի պայմանագրով գավառակը միացվեց օսմանյան կայսրությանը: 1882 թ. վարչական բաժանումից հետո այն մտավ Կարինի մահանգի կազմի մեջ:

Գավառի գյուղերի մասին ունենք իրարամերժ ու հակասական տեղեկություններ, որոնց համադրումից, վերլուծություններից հետո կարելի է ընդունել, որ նշված ժամանակահատվածում գավառակում կային 29-30 հայաբնակ գյուղեր:

¹ Կարնեցի Հ., Տեղեկագիր վերին Հայոց, Վաղարշապատ, 1903, էջ 16:

Քրիստոնեությունը որպես պետական կրոն ընդունելուց հետո Բաբերդը հանդիսացել է Հայ Եկեղեցու նշանավոր բնակավայրերից մեկը: Գավառակի գրեթե բոլոր գյուղերում գործել են եկեղեցիներ, նրա տարածքում կային մի քանի մատուռներ, սրբավայրեր, աղոթատեղիներ: Եկեղեցիների մեծ մասը ավերվեցին արաբական, սելջուկյան, մոնղոլական, թուրքմենական ցեղերի ասպատակությունների ժամանակ: Այս պատճառով էլ վերաշինվում ու կառուցվում էին նոր եկեղեցիներ, և դժբախտաբար հատուկեմտ տեղեկություններից բացի մեզ չեն հասել առավել արժեքաշատ տեղեկություններ ու վկայություններ գավառակի սրբավայրերի մասին, և տարօրինակ չպետք է թվա, երբ ներկայացվող գյուղերի եկեղեցիների մեծ մասի որպես կառուցման ժամանակ նշվում է 19-րդ դարը:

ԲԼՈՒՐ գյուղը, որը գտնվում էր գավառի արևմտյան մասում և սահմանակից էր Տրապիզոնի նահանգին, ուներ բավականին բարեկարգ մի եկեղեցի: Ս. Գևորգ եկեղեցին կառուցվել է 1840 թ.: Գործող եկեղեցի էր, ուներ մեկ քահանա: Եկեղեցին ունեցել է 8 դեպատին կալվածք, որի միջոցների զգալի մասը հատկացվել է վարժարանի պահպանմանը: Համիդյան կոտորածներից հետո, երբ բարբարոսապետությունը իրականացրեց հայության կոտորածների առաջին փուլը, եկեղեցին վերածվեց մզկիթի, որովհետև կոտորված, հայությունից զրկված գյուղում բնակություն հաստատեցին քոչվորական նոր ցեղեր: Հիշատակելի է նաև այն փաստը, որը հաստատում է հայակոչ ուժերի գործելակերպի ընդհանրությունը: Եկեղեցու քահանայի սպանությունից հետո, ինչպես հաճախ էր կատարվում, կենդանի մնացած հայերը բռնի կրոնափոխվում են:

Բլուր գյուղից հարավ գտնվում էր Ս. Մարտիրոս եկեղեցու ավերակները, նրա մոտակայքում էին Ս. Եղիա և Ս. Վարվառե անուններով աղոթատեղի-սրբավայրերը: Պետք է ենթադրել, որ վերջին երեք սրբավայրերն էլ ավերվել են վերը նշված ժամանակահատվածում, և հայերը ստիպված կառուցել են նոր եկեղեցի:

Բալախոռի դաշտում, Շորոխ գետի ձախ ափին, Բաբերդ քաղաքից հարավ-արևելք, գտնվում էր Բլրակ գյուղը: Բլրակի մասին հետաքրքրաշարժ տեղեկություններից մեկը պատմում է, որ գյուղի մոտակայքում է գտնվել Ս. Կիրակոս անունով մի աղբյուր-ուխտավայր, որը բուժում էր բոլոր հիվանդությունները: Գյուղի հյուսիսային կողմում էր տեղադրված «Կապույտ խաչ» հանրահայտ խաչքարը, որի պաշտամունքը կատարվում էր Համբարձման տոնին²:

ԳՐԶԻ գյուղի Ս. Պետրոս եկեղեցին կառուցվել է 1848 թ.: Եկեղեցին նշանավոր է իր ձախակողմյան խորանի մեջ երևացող «ահագնահայաց» պատկերով³: Ավանդության համաձայն, պատկերը երևացել է այն ժամանակ, երբ ժողովրդին աղետ է սպասվել:

Շորոխի աջ ափին էր գտնվում գավառակի ամենահայաշատ գյուղը՝ **ՔԱՐԱՎՐԱԿԸ**: Գյուղն ուներ երկու եկեղեցի: Նրանցից մեկի քահանան Մինաս Ղարա-

² ՀՀՊԿՊԱ, ֆ. 57, ց. 1, գ. 146, թ. 2:

³ Նույն տեղը, գ. 234, թ. 12, 15, 16:

պարոնյանն էր, որը հայրենասեր ու անգամ թուրքերի և քրդերի կողմից հարգված մարդ էր: Ս. Աստվածածին և Ս. Գևորգ եկեղեցիները զուլումի տարիներին զրկվեցին իրենց կալվածքներից⁴:

Բաբերդ քաղաքից 12 կմ հեռու՝ Շորոխի վերին հոսանքի մոտ էր գտնվում ԽՈՒԲՍ գյուղը: Համրահայտ էին գյուղի Ս. Փրկիչ, Ս. Եղիշեն, Ս. Վարվառեն եկեղեցիները, որոնք կառուցվել էին համապատասխանաբար՝ 541, 1264, 1276 թվականներին: Գյուղի մոտ էր գտնվում համրահայտ Ս. Քրիստափորի վանքը, ուր կատարվող ուխտագնացությունները բազմամարդ էին դառնում հատկապես Վարդավառի տոնին: Վանքն ուներ 750 դեպյատին կալվածք⁵:

Ս. Թորոս գյուղն ուներ Ս. Սարգիս անունով գործող եկեղեցի: Քահանա Սահակ Գինոսյանի ջանքերով և գյուղացիների օժանդակությամբ գործում էր եկեղեցուն կից վարժարանը, որի գրադարանն ուներ նշանավոր գրքեր ու ձեռագրեր⁶:

ՔՍԱՆԹԱՑԸ գավառակի երկրորդ խոշոր հայաբնակ բնակավայրն էր: Գյուղն ուներ երեք եկեղեցի, որոնցից երկուսի անունն է հայտնի՝ Ս. Աստվածածին և Ս. Եղիա⁷:

Վարզահան, Վարզըհան գյուղը համրահայտ է իր կենտրոնագմբեթ եկեղեցիով, որը հայ ճարտարապետության եզակի կառույցներից է: Նկատի ունենալով խնդրի մեծ կարևորությունը, ամբողջությամբ ներկայացնում ենք եկեղեցու մասին Մորուս Հասրաթյանի նկարագրությունը:

- Վարզահանում կանգուն է ինքնատիպ հորինվածքով ութաբսիդ եկեղեցին (12-րդ դար): Նրա ութանիստ գմբեթատակ տաքածության անկյուններում պուներ են, և միայն բեմի պայտաձև խորանն ունի պատեր: Մյուս արքիդները, որոնք հատակագծում սեղանաձև են, հաղորդակցվում են միմյանց հետ կամարակապ մեծ բացվածքներով և ծածկված են այդ կամարների ու տրոմպների վրա հենվող գմբեթարդներով: Բեմի խորանն ունի երեք, իսկ մյուս արքիդները՝ կրկնակի լուսամուտներ: Մուտքերը երեքն են՝ հյուսիսից, հարավից և արևմուտքից: Գմբեթը (չի պահպանվել) ունեցել է ութանիստ թմբուկ: Ծակատները դրսից զարդարված են կիսապուրակներով և միայն դեկորատիվ նշանակություն ունեցող եռանկյունաձև փոքր խորշերով, որոնց մեջ գալարաձև մշակումով պուներ են: Օջամուտքերի կիսաշրջանաձև ճակատակալ քարերից վերև ձգվում է զարդագոտի, իսկ վերջինի վրա հովհարաձև շարված դեղին ու կանաչ գույնի սեպաձև քարեր են: Ներսում կան որմնանկարների հետքեր: Վարզահանի եկեղեցին իր ուրույն հարդարանքով ու հորինվածքի կարևոր առանձնահատկություններով (միմյանց հաղորդակցվող սեղանաձև արքիդներ, գմբեթակիր պուներ) տարբերվում է նույնատիպ հայկական հուշար-

⁴ Նույն տեղը, գ. 165, թ. 4:

⁵ Նույն տեղը:

⁶ Նույն տեղը, թ. 2, 5:

⁷ Նույն տեղը, թ. 4:

ձաններից (Զորավար, Իրինդ, Տայոց քար, Ամիի Փրկչի եկեղեցին) և կարևոր տեղ ունի Հայաստանի կենտրոնագմբեթ կառույցների զարգացման պատմության մեջ⁸:

Բացի վերը հիշատակված «ճարտարապետական շինումներ» եկեղեցուց, կային ևս երկու՝ Ս. Համբարձում և Ս. Աստվածածին եկեղեցիներ: Եկեղեցիներից մեկն ունեցել է 30 դեպտսին կալվածք, մյուսը՝ ջրաղաց: Գյուղի շրջակայքում եղել են ուրիշ երեք սրբատեղիներ⁹:

Գավառակի կենտրոն **ԲԱԲԵՐԴ** քաղաքը Մորոխ գետը բաժանում է երկու մասի: Որպես բնակավայր բերդաքաղաքը հիշատակվում է մ. թ. ա. երրորդ դարից: Պատմաճարտ. Մովսես Խորենացին, պատմելով Սանատրուկ թագավորի մահվան հետ կապված դեպքերը, հայտնում է. «...երբ Բյուրատի որդի Սմբատը լսում է Սանատրուկի (մահվան) և նրա որդիների կոտորածի գույժը, առնում է իր երկու դուստրերին՝ Սմբատանուշին ու Սմբատուհուն, տանում-մատեցնում է Բայբերդում՝ քաջ մարդկանց ամրոցին պահապան դնելով...»¹⁰:

Հ. Ս. Էփրիկյանը կարծիք է հայտնում, որ քաղաքը կառուցվել է «Հայկազն Երուսանդեան Տիգրանի Բաբ որդիեն... վասն զի հնագույնները Բայբերդ կ'անուանեն...»: Նույն հեղինակի երկրորդ կարծիքով՝ «Մեր հին պատմության մեջ առաջին անգամ կը յիշուի Ա. դարու վերջերը Երուսանդայ օրերը, մոյն ատենները Սմբատ Բիրատեան քաջը»¹¹:

Բաբերդի հայերը հիմնականում բնակվում էին չորս թաղամասերում: Յուրաքանչյուր թաղ ուներ իր եկեղեցին և վարժարանը: Այս առթիվ հ. Ս. Էփրիկյանը տեղեկացնում է. «Հայոց եկեղեցիները թուվ չորսն են՝ Ս. Աստուածածին, Հրեշտակապետ, Աստուածամայր և Ս. Յովհան: Առաջին երկուքը կը յիշուին ԺԷ դարու սկիզբը գրոց յիշատակարանաց մեջ», ապա հայտնում, որ Ս. Աստվածածին եկեղեցին 1848 թ. վերանորոգվել է, իսկ մնացածները «ներքուստ մթին են եւ արտաքին երեսոյն ալ խեղճ»¹²:

Բերդի արևելյան կողմում, բլրի վրա, հայկական գերեզմանոցն է, որտեղ տապանաքարերի վրա կան 1437 թ. արձանագրություններ:

Հայկական չորս թաղերը՝ Անթիքեչեն, Ղազիդաղը, Կալերը, Ղազիգադեն, գտնվում էին բարեկարգ վիճակում և հանդիսանում քաղաքի մշակութային կենտրոնները: 13-17-րդ դարերում քաղաքում գրվել և ընդօրինակվել են ուրիշ ձեռագրեր, 19-րդ դարում տպագրվել է «Բողբոջ» անունով թերթը¹³:

Մեծ մարդասպանի՝ արյունոտ սուլթան Համիդի կոտորածների քաղաքականությունն իր աղետալի խոր հետքը թողնեց գավառակի թե՛ ժողովրդագրության փո-

⁸ ՀՄՀ, հ. 11, Երևան, 1985, էջ 333:

⁹ ՀՀՊԿՊԱ, ֆ. 57, ց. 5, գ. 144, թ. 4:

¹⁰ Մովսես Խորենացի, Պատմություն հայոց, Երևան, 1968, էջ 172-173:

¹¹ Հ. Ս. Էփրիկյան, Պատկերազարդ բնաշխարհիկ բառարան, հ. Ա, Վենետիկ, 1903, էջ 350:

¹² Նույն տեղը, էջ 352:

¹³ Ս. Մոցիկյան, Արևմտահայ աշխարհ, Նյու Յորք, 1947, էջ 5:

փոխության և թե՛ մշակութային կյանքի ավերման վրա: Գավառակի ավելի քան 17 հազար, Բաբերդի շուրջ 3500 հայ բնակչությունից մնացին բեկորներ: Գավառակի 15 խոշոր հայկական գյուղերը՝ Քարավրակը, Բլրակը, Քսանթալը, Խուսը, Լահունքը, Նիվը, Վարգահանը, Բլուրը, Հնտին, Ս. Թորոսը, Մալասան և այլն վերածվեցին ավերակի, լքվեցին բնիկներից. նրանց տեղը զբաղեցրին քոչվոր քրդերն ու թուրքերը:

Բարբարոսները բռնի կրոնափոխում էին կոտորածներից ազատվածներին և հայության մշակութային կոթողները՝ եկեղեցիները, կա՛մ ավերում էին, կա՛մ վերածում, լավագույն դեպքում, մզկիթի, հիմնականում անասնազոմերի: Ահա թե ինչու չորրորդ դարից սկսված եկեղեցաշինությունը, որը հրաշալիքներ պարգևեց մաս Բաբերդի գավառակին, աստիճանաբար մարեց, որովհետև քոչվորական պետության մտածողությունը հանգել էր այն հետևությանը, որ հայությանը ստրկացնելու ճանապարհներից մեկը նրա հոգևոր հարստության և հաստատության՝ եկեղեցու կործանումն է:

